


漳州府志

310.87
132
:3



康熙甲午重脩

漳州府志

本郡藏板

輯漳郡誌題詞



誌自明萬曆癸丑至今恰百年未修彤於康熙庚寅秋來守茲土深以文獻散替為懼請命於列憲延賢於紳袍集力於僚屬而緝於成始於癸巳之春迄於甲午之冬計期七百餘日計字八十余萬計工費一千百餘金爰述其概而識之曰誌以載事久則無徵事乃紀時繁而易軼代遷者如歲功往宜逆觀其迹也續起者如朝華來當順察其

漳州府志

卷之首

全

情也跡與心會存其可存情隨世移變其應變究之可存者不待人而自存矣應變者將及時而自變矣是以一筆褒嘉千秋師表者其鏡乎一人清惠百代興感者其風乎如鏡之無幽不燭斯無微弗闡也如風之無遠不屆斯是故咸新也望古遥集有時與善長而揚之舉之非濫知人尚論有時取物精而綜之挾之非苛寧以一器許偏才不因一青掩大德傳百行不敵蓄吾私擅三長何堪枉此直前開後繼開

者荷責顧重也譽恩毀怨中立者擇術非工也仁者愛身然不愛身而仁乃全知者知人然不任知而知斯著仁非異知者之知而仁以知以知必辨仁者之仁而知以仁大然則誌載者仁之事歟載誌者知之事歟故愚忠愚孝喜寬其途非聖非法必峻為拒收羅放逸未嘗去準繩權本於經也屏絕隱微未嘗踈軌範嚴不為惡也信昭於今疑闕於古始無疑知卸其功罪任其怨庶希怨不忍百餘年忠孝節義委之

漳州府志


卷之首

三

里談巷議不為檢收不甘七千里聲名文物沒於蠻烟瘴霧不為彰表化思美俗思淳在秉教司政者厚其德耳良有勸桎有懲在採風問俗者旌其善耳一郡如彈丸為鄒魯非大一書加敝帚繼史漢不孤文章得失寸心先知人物臧否百年後定滄桑陵谷靡恒也學士言其有常而已繁盛奢華未艾也君子防其叵測而已士必讀農必耕女必織忠厚勤儉者習俗之源乎政斯平稅斯薄刑斯簡澹泊寧靜者

之本乎載舟覆舟者勢也出爾反爾者理也盤錯不治非利器矣經術不效真俗吏矣惟其裘帶蕭然可以折衝樽俎惟其風雅彬彬可以宣導教化是政與教相維也經與史相通也此輯誌之意也夫

康熙甲午嘉平郡守柏鄉魏荔彤書



漳州府志序



志乘之作其源肇於班固之志地理更進而上則周禮職方氏之列九州夏書之禹貢爲最古然略而不詳非不能詳不勝詳也詳莫宜邑志略而不失其詳之意者莫宜

漳州府志

卷之首序

一

郡志凡一郡之山川戶口阨塞關津及名賢之遺跡忠臣孝子篤行貞烈足以扶樹風教而振刷末俗者皆當謹志以備稽考甚矣郡志之亟也清漳在唐時屬嶺南道其後改徙不常至明洪武始定屬閩

省當宋紹熙間風氣猶薄陋洎
陽朱子領郡定法制興教化而風
俗稍變然欲正經界上丈量之法
而豪右不便其事多方阻之紫陽
由是去蓋化理亦綦難已余壬辰
冬巡海上道漳之屬邑見連山疊

嶂崔嵬聳峙於雲中東南際海烟
濤瀕洞咫尺千里島嶼星羅隱隱
可見而物產豐饒居民輻輳浩乎
不啻一都會卽其人文科第彬彬
郁郁視古昔有加然海中島嶼錯
處而閩之溫陵粵之潮陽綿亘連


屬乃尹通路往往爲盜賊所出沒
近草薶禽獮漸無伏莽可虞然脩
不可弛而防不宜略也守茲土者
誠當加意也魏君守漳六載
慨志久不脩或至零落因取前明
癸丑戴君燿所序劉君廷蕙所脩

者重加增訂排纂得三十四卷蓋
漳志惟癸丑脩本爲善而癸丑去
今已百年餘矣余披繙一過目凡
二十惟兵紀一編最詳自防汛城
堡及戰艘兵馬額數塘遞瞭望巡
哨處所纖悉畢具因喟然歎曰得

之矣蓋志之作非徒哆誇山川戶
口人物爲觀美將紀其興除利弊
與夫阨塞險要建設之周密爲保
障一方永圖以俟後有志者當世
數遼廓之時欲求其遺跡而較若
列眉憑冊而考如獲良師其大要

旣具由是而及于山川之雄麗戶
口之殷繁賦役選舉之得失名人
物產之瑰瑋而奇秀皆蜿蜒磅礴
之氣發皇於耳目而彪炳於緗素
並爲茲土不可闕之紀載不亦善
乎故樂得而序之

康熙五十四年乙未歲孟夏上浣
九日撫閩使者覺羅滿保書



漳州府志序

郡之有志本周禮職方氏之遺掌
在外史紀載務詳故通達治體之
君子必慎重而不敢忽然非遭遇
盛時政治人和則不暇修非學有
原本才與識兼則不能修卽修亦

漳州府志

卷之首序

六

不足以信今而傳後以是知志之
所關甚鉅而修志之難幾與史等
自古然矣余職忝史館嘗留意訪
求四方文獻向閱一統志知東南
形勝閩爲最閩之形勝漳爲最地
盡人傑大略相符客冬奉

命來視閩學輜軒所歷沿上游達福
省自福而興而泉而漳雖風土不
殊而漳郡雄跨綿亘山川之勝又
甲他郡閱文武生童試卷凡二萬
五千有奇中多清剛拔出之氣蓋
山川鍾秀於是而官斯土者拊循

教誨之功爲不可沒也太守魏君
示余所脩漳州府志三十有四卷
例精而嚴文贍而整事該而核網
羅明萬曆癸丑以來至今百年散
失登載無遺彬彬盛矣考漳郡在
閩東徼統縣維十壤接嶺南海山

環抱扼廈門澎湖臺灣之險其控
制撫馭比他郡爲重且難曩三藩
作逆山海交訐漳郡蹂躪尤甚幸
賴

德威遠播克復底定臺灣收入版
圖數十年於茲山無伏莽海不揚

波漳雖遠在天末而聲明文物增
倍於前此皆我

朝

深仁厚澤之所涵濡及封疆大臣
承宣德意以致太平如此其極隆
也志久闕不修其何以示後余自
來閩稔聞輿頌知文武各當事和

秉一德表正僚屬而魏君涖郡六
載體上憲意愛民禮士使十縣方
千餘里之地肅然就理因以其暇
日汲汲于郡志之修延聘郡中賢
士大夫叅訂成書

聲教之盛垂久遠而彌光而百年

文獻亦藉以信今而傳後也功何
偉哉抑漳郡爲朱子舊治之邦自
南宋至今五百餘年禮教猶新名
賢輩出舊稱海濱鄒魯魏君爲
栢鄉相國哲嗣承家學淵源爲政
知所先後最大者倡明正學作興

人材建仰文書院于芝山之麓
髦俊而親課之輯紫陽小傳布
學宮示士子知所準的其他修
舉廢多風易俗之美一以朱子爲
宗型志之成又以見賢太守之
政

漳州府志

卷之五

故喜而爲之序若夫建直規則人
物風土與各處之風土
舉目張看與賢士大夫蒐
不愧良史材觀者當自得之無不
具論云

康熙五十四年歲在乙未夏五

學使者邵陽車鼎晉書於漳州

記

車鼎

平

漳州府志

卷八

七

漳州府志序

漳郡志自宋淳熙至明萬曆屢次訂脩
要皆因時紀載俾居官者有所攷據而
隨地制宜審時立政採風問俗按籍可
稽志之所繫豈不重哉顧自萬曆癸丑
以迄于今百餘年間滄桑已易文獻無
稽不無缺略之憾矧我

漳州府志

卷之首序

十二

朝來建置規模其恢弘遠勝于昔不加編
纂孰悉其詳用是念庭魏守慨然引爲
已任討蒐前乘延訪諸儒廣羅博採旁
集遠搜凡一郡中城郭關梁之廢置山
川疆域之險易戶口丁糧鹽屯水利之
增減學校祠壇選舉兵制之損益以及
循良茂德忠孝節烈理學詞章後先畢